

DISPUTATIO INAUGURALIS MEDICA

De

LÆSIONE ORIS SCORBUTICA

Quam

Annunte supremo Numine,
Decreto & Autoritate Illustris ac Gratosissima Facul-
tatis Medicæ

in celeberrima SALANA

P R Æ S I D E

V I R O

Nobilissimo, Excellentissimo atque Experientissimo

DN. JOHANNES ARNOLDO FRIDERICI

Phil. & Medic. Doctore, Anatomiae, Chirurgiae & Botanices

Professore Publico famigeratissimo, Medico Provinciali Sa-
xo-Altenburgico felicissimo.

DN. Patrono atque Promotore nullo non honoris & observantiae cultu
æviternum colendo atque devenerando

P R O L I C E N T I A,

SUMMOS IN ARTE MEDICA HONORES, INSIGNIA ET PRIVILEGIA
DOCTORALIA SOLENNI MODO CONSEQUENDI,

Ad d. Martii ANNI M. DC. LXXII.

horis ante & pomeridianis

publica eruditorum censura

submittit

in Auditorio Majori

BENJAMIN SCHARFFIUS

NORTHUSA CHERUSCUS.

JENÆ, LITERIS MULLENIANIS.

MAGNIFICIS, NOBILISSIMIS, AM-
PLISSIMIS, CONSULTISSIMIS
PRUDENTISSIMISQVE

LIBERÆ CIVITATIS IMPERIALIS
NORTHUSÆ

DNN. CONSULIBUS

DN. SYNDICO

DNN. QVATUOR VIRIS

CÆTERISQVE

DNN. SENATORIBUS

Dominis suis Mœcenatibus, Promotoribus
atqve Benefactoribus omni observantiæ genere
ad urnam fusque colendis & suspiciendis


Hanc

DISPUTATIONEM INAUGURALEM
MEDICAM

*in grati animi ob tot tam summa tamq³ splendida &
varia collata beneficia signum & perennem
eorum memoriam*

sacram esse jubet

Benjamin Scharffius, Northus.
Med. Doctorandus.



ΣΥΝ Τῷ ΘΕῳ.

PROŒMIUM.



Vemadmodum nemo in hac mortalitate planè ab omni vitio immunis vitam exigit, ita etiam in toto hoc terrarum orbe haudfacilè aliquis reperietur, qui ab omni morbo liber vitam exigat beatam, cum quot diana indies testetur experientia, quod unusquisque suos patiatur manes, suaque sentiat incommoda; Ita, ut si quis Diogenem imitaretur, & sicut ille homines sapientes tempore meridianò accensâ luce quæsivit, ita & hic homines ex omni parte sanos quæreret, non mirum nobis videri deberet, aut insolens: A teneris enim nos morborum caterva sequitur, ita ut infantes, quamprimùm auram vitalem degustârunt, suos habeant morbos. Nec ætas florentior iisdem caret, quin iidem nobis adhæreant ad ultimum usque vitæ halitum.

Nullus hic sexus, ætas nulla, nullum vitæ genus morbos suos potest effugere, sed, sicut mors, ita & adjuutores ejus morbi, æqvò pede pulsant pauperum tabernaculas regumque tures, æquâ lege sortiuntur insignes & imos, corpora æquè virorum ac foëminarum invadunt, nec ulli sciunt parcere. Quid multa? Præsens hæc Disputatio Inauguralis supra dicta evidentissimè declarabit, in quâ læsionem oris scorbuticam commune tam

virorum quàm fœminarum malum infensissimum exhibere constitui , & quia in praxi medicâ , quàm haud ita pridem in urbe præfecturâque Visenensi felici auspiciô sum auspicatus , tales casus oblati sint & adhuc offerantur, operæ pretium duxi, ut paulò accuratiùs naturam supra dicti mali investigarem. Offero autem publicæ eruditorum censuræ , non unum sed quosdam affectus , læsiones & symptomata oris , scorbuticos quæ molestant. Hæc quidem quoad nomen, locum ac alias circumstantias variant , causam tamen eandem agnoscunt , & ita curationem in generali consimilem exposculant. TE DEUM T. O. M. supplex invoco atque rogo , ut auxilio me Tuo instruere , cogitationes ad hanc rem idoneas suppeditare, Tuoque favore complecti velis clementissimè. Fac ut omnia tendant in Tui nominis sanctissimi gloriam proximique auxilium & incrementum.

CAPUT I

instituti rationem præmittit cum Definitione reali.

Cum res magnæ magnam etiam & gravem descriptionem expetant, nec angustis cancellis se includi patiantur, jure meritoque laudis palmam assequitur , qui rem magni momenti & ponderis magno & vasto verborum apparatus exornat & illustrat, ac relictâ brevitate rem prolixè extendit. Quapropter si in hac Disputatione morbum aliquem gravissimum tractandum suscepissem & de ejus natura & cura aliquot paginas

nas conscripsissem, certus sum, quod nemo hoc in pejo-
rem partem rapuisset:

Verum cum semper brevitati aras erigere consue-
verim, nec unquam B. L. multis verborum ambagibus
morari animum induxerim, talem selegi materiam, quæ
tam spetiosè ac prolixè explicari, quam etiam brevi-
bus complecti apta est pagellis; Sicque in medium pro-
fero **LÆSIONEM ORIS SCORBUTICAM**. To-
tum enim genus morbi, qui Scorbutus dicitur, cum o-
mnibus suis requisitis & comitantibus symptomatibus
tam breviter perlustrare, possibile mihi visum non fuit.
Eoque magis me movit totum opus non aggredi, cum
tòt de hoc affectu prostent eruditissima scripta, ut vix
quid adinveniri poterit, quod addi aut desiderari queat.

De **NOMINALI DEFINITIONE** læsionis oris
scorbuticæ parùm nunc erimus solliciti, cum origo ejus
nota sit. Nec scorbuti onomatologia propriè hic venit
explicanda, ideoque saltem hoc addimus, quod sub læ-
sione oris scorbutica comprehendamus aliquot vitia,
quæ partibus quibusdam in ore contentis à depravatio-
ne scorbutica solent accidere. Præcipuè autem age-
mus de *Gingivarum cruentatione & exulceratione. Nigredine,
vacillatione & excisione dentium.* Quibus denique oris fæ-
torem & *aphtas seu ulcuscula*, quæ *Gvil. Fabric. Ozenæ* dicun-
tur, annectemus.

Ad rem ipsam cum sit accedendum, prolixiores esse
nolumus, sed **DEFINITIONEM** aut potius descri-
ptionem læsionis oris scorbuticæ proponimus, quam ta-
lem exhibemus.

*Læsiō oris scorbutica est vitiosa constitutio oris ejus-
que partium, ab humoribus vitiosis scorbuticis proveniens; & a-*
ctiones sensibilibiter lædens.

A 3.

GENUS

GENUS in definitione diximus *vitiosam constitutionem*, addidimus subjectum, quod est *os cum suis partibus*, in reliquis verbis causas notavimus, de quibus omnibus infra jam fusiùs agendi erit occasio. Ad *symptomata* reduci omnes læsiones, à nobis quæ explicandæ sunt, unicuique facillè constabit, rem accuratius pensitanti, quæ intemperiei, ut morbo prægresso, natales plurimâ ex parte debent.

C A P U T I I

subjectum adducit.

SUBJECTUM PRIMARIUM, quod afficitur, constituiimus *os*, verum cum *os* non sit pars simplex, sed composita, ex multis membris, ut loquitur *Savonarola in pract. maj. tract. 6. cap. 9. p. 101.* partes oris, ut gingivam & dentes, cavitatem item palati fauces dictam, simul intelligimus, cum in iis vitium sæpissimè inveniatur. Hinc non iniquè cum *Mercuriali in præl. pract. Capivacio*, ac aliis statuimus omnes has partes oris subjecti primarii locò poni posse.

Cum *os* & partes ejus subjectum dicimus depravationis scorbuticæ, non ita illud intelligimus, quod *os* cum suis partibus solum sit subjectum, exclusis omnibus aliis corporis partibus, cum experientia abundè cumulateque testetur, quod scorbutus nulli ferè in corpore membro parcat, sed callidus hîc protheus omnibus ita se associare noverit ut vix minima particula ab hoc hoste tuta inveniatur: Caput enim regiam mentis sedem satis oppugnat, thoracem horribiliter invadit, nec abdomini, nec artubus parcit, sed totum corpus mis-

ris

ris torquet modis ; Verum hoc ita intelligendum , quod , cum unam saltem depravationis scorbuticæ speciem ; quæ os cum suis partibus concernit , considerandam nobis proposuerimus , meritò os ejusque partes pro adæquato subjecto quod afficitur venditamus.

Quomodo autem os cum suis partibus lædatur medici æquali non explicant modò. Nec vias ponunt consimiles, per quas vitiosa materia adfluat.

Nonnulli putant materiam crudam falsam & acrem in ventriculo collectam , ex liene in os derivari , quæ gingivam erodat ac fauces & materiam ad exulcerationem præbeat, hinc dentibus vitium inferat & oris foetorem excitet.

Alii existimant ex arteriis in os pervenire materiam peccantem , quæ partes vicinas corrumpat.

Recentiores in ea sunt opinione , quod ex lymphaticis & salivalibus ductibus materia falsa & acris in os perveniat, & ab hac os cum vicinis partibus lædatur.

Verum rigerosè has sententias examinare nostri non est instituti , propterea contenti sumus verbis Magnif. Dn. ROLFNCII Patroni & Promotoris nostri nunquam satis colendi , qui de hoc in Ord. & Meth. med. spec. consult. libr. 8. consult. 8. ita disserit : tenendum colluviem vitiosorum humorum duplici constare parte, tenui ac ichorosâ, crassâ itidem , falsa ac feculenta. Illa ἀνὰ πρῶτον , utpote subtilior , suprema petens per arterias carotidas in os deponitur.

In sequenti paragrapho annectit hæc : Gingivæ sanguinolentæ fiunt, translato ad has sanguine sanguinoso, sal hoc admixtum membranas vasorum arrodit.

Ex hac

Ex hac utique oriri putamus, quod læsa gingiva
dentes simul lædantur, nec volumus planè negare, quod
vasa salivalia quid conferant, cumque notum sit vapores
corruptos in ventriculo oriri, non mirum, cur os
tàm foetidum acquirat odorem.

CAPUT III

agit de causis. Immediata, mediatis tàm proximioribus, quàm remotioribus.

DE CAUSIS cum simus acturi, observabimus communem illam & accuratam divisionem in Immediatam ac Mediatas proximiores & remotiores. Hæ præter causas Chemicorum dispescuntur in humorosas & vaporosas: Humorosas esse in quibus humores peccant & vitiosam dispositionem corpori humano inferunt, notum. Vaporosas appellari, quando Vapores partibus læsis molestiam creant, morbumque inducunt, constat. Nostrum jam est, exhibere primum Causam proximam immediatam, & post mediatas ad sociare.

IMMEDIATAM consimilem constituunt multi autores ac in scorbuto ipso, vitium utpote humorum acrium. Hinc humorem melancholicum & serosum incusat *Wierus in prax.* & *Dodon. de magno liene.* Specificam corruptionem cum *Bald. Ronseo* intelligunt alii. *Gregor. Horst. l. 7. de morb. contag.* unanimem se præbet in sentiendo, dum sanguinem crudum ichorosum specificam corruptione peccantem pro immediata causa habet, æquè scorbuti ac symptomatum, inter quæ & oris sunt.

Licet

Licet itaque aliis in schola Helmontiana educatis, ut causa proxima constituatur defectus fermentationis, aut juxta *Grembs. l. 26. arbor. integr. & ruinos. de morb. splenis.* mala digestio stomachi, ob defectum fermenti. Vel secundum *Kotsack. de Se.*, humor Θ nus terrestris, cum Δ re vitiato ac specificè corrupto. Nolumus tamen litem hanc dirimere, cum propriè hæc ipsum malum scorbuticum concernant, cujus symptomata sunt à nobis recensita mala, quorum causam proximam in vitiatis humoribus facile invenire possumus.

MEDIATAS PROXIMIORES humorosa ac vaporosa & hic locum inveniunt. Humores abundantes primas quasi tenent, vapores his succurrunt, quod foetor oris præcipuè confirmat.

Hoc itaque cum manifestum sit, meritò nunc inquirimus in *Vias & partes generantes & mandantes*, à quibus vapores æquè ac humores hi ortum ducant, & unde proveniant. Quæ si consideremus & examinemus reperimus quod variæ Autorum de hac re sint opiniones.

Nonnulli, qui lienem pro receptaculo humoris melancholici cum veteribus habent, illud viscus accusant, illòque officio minùs rectè fungi statuunt. Cum quibus facit *Bened. Sylvatic. cent. 1. cons. & respons. med. obs. 19.* Adducit auctoritatem Hipp. qui *l. 2. prædict.* dicit, quibus lienès magni, iis gingivæ vitiantur, & os grave olet. Coincidit *River. l. 12. prax. med. c. 6.* Ad lienis quoque morbos reducit *Hoefer. l. 3. Herc. med. c. 3.*

Alii, in quibus *Barbette* palmam ducit, lienem innocentem excusant & locum generationis humorum vitiosorum ventriculum faciunt, cum glandulis mesenterii tam conglobatis lacteis, quam conglomeratis pancreaticis, sicut citatus autor hanc defendit sententiam in *prax. suæ libr. 4. cap. 3. p. 140.*

Paracelsici juxta consueta principia in liene, ventriculo, epate; ac aliis visceribus infimi ventris, imò per communicationem in tota massa sanguinea, delitescuntia Θ , Φ & Ψ ium procùl dubio in medium afferent. Nonnulli etiam Ψ rum accusabunt ichorosâ humiditate dilutum, in quo $\alpha\chi\rho\gamma\pi\pi\varsigma$ salium acrium contagiosorum, vitriolatorum, aluminosorum, imò & arsenialicum delitescant, cujus resolutio putredinem & ulcera facere consuevit.

Verùm de hoc unicuique liberum relinquimus iudicium & dicimus quod omnia propemodum viscera tam primæ quàm secundæ coactionis ad vitiosam hanc prolem procreandam suum conferant symbolum, vestigiis Magnifici Dn. D. ROLFINCI insistentes, qui in ord. & med. spec. consultator. variis in locis idem asserit. Inprimis lib. 8. consult. 6. satis accuratè & expressè de hac re ita distulit: *Generantur hi humores in visceribus primæ coctioni destinatis & secundæ, ob δυνάμιν πικρὴν & σίαν, facultatem lesam à frigida intemperie.*

Quales autem sint hi humores meritò quærimus, & reperimus, quod humores hi sint melancholici crassi, mixti tamen & sero diluti, in quo Autores medici unanimiter consentiunt, inprimis Cl. Sebizius in speculo suo medicinæ Practic. part. 4. sect. 5. cap. 12. eleganter naturam horum describit: Materia peccans est humor melancholicus, sed multò sero eoque acri mordaci & falso perfusus, & peculiari ac proprio quòdam modò corruptus, qui $\alpha\pi\rho\eta\tau\epsilon\varsigma$ est & verbis exprimi nequit: Est enim reverà malignæ venenatæque alicujus qualitatis particeps. Nam simplex duntaxat melancholia si in causa esset, tunc etiam melancholici, lienosi, quartanarii & qui afflictione hypochondriaca discruciantur, scorbutici forent omnes. Ad hæc

Ad hæc non peculiaris & appropriata requirerentur medicamenta, sed aperientia, incidentia, attenuantia, abstergentia & evacuantia sufficerent. Notandum autem quod humori melancholico interdum etiam alii admisti sint, semper autem serosi, qui acres & falsi. Fusiùs etiam videri hic poterit *Schenkius in observ.* variis in locis.

Sed satis de hoc, restat nunc ut ad CAUSAS REMOTIORES accedamus. Ad has quod attinet istæ nobis occurrunt triplici numero, & sunt Naturales, Non-naturales & Præternaturales. Quibus Supranaturales quidam adiungunt.

NATURALES causæ sub se comprehendunt.

Temperamentum, quod melancholicum est, adeoque ad humores melancholicos procreandos aptissimum & sicut *διὰ τὴν δίκην ὑγίης καὶ βλάβην βλάβην*, ita à temperamento melancholico melancholici oriuntur humores. De quibus fusiùs consuli poterit *Heinr. Regius in fundam. med.*

Ætas statura præcipuè his malis obnoxia, invenilis tamen non immunis, quæ sæpè multifarios in diætâ committendo errores, læsiones dictas quasi invitat. *Sexum* nobiliorem magis hic molestari iudicabit *Lud. Mercat. & Vid. Vidius* in praxi cum aliis; quia copiosiores in usu rerum sex Nonnaturalium committat errores; Sequior tamen sex æquè ob humorum abundantiam, caloris inordinatam actionem ac vitam sedentariam eosdem insultus metuere debet. *Hereditariam dispositionem* non inconveniente inculant cum *Herc. Saxon. in præl.* alii multi.

RES NONNATURALES si consideremus *Aer* primò nobis in ordine se offert; Frigidus imprimis ad excitandos humores non solum multum valet, sed gingivis etiam præ aliis partibus infensus est, easque perversa sua

sã suã qualitate prius afficit, quàm interiora & inferiora.

Regio quoque in hunc pertinet ordinem, quæ si frigida, ut septentrionalis & ab aëre maritimo, falsuginoso, exhalationibus variis scatente occupetur humores scorbuticos facili excitat negotio, sicut etiam experientia comprobat, quod talium regionum incolæ omnes propemodum sint scorbutici & morbus hic vernaculus sit & *ἐννοεῖται*, id quod *Barbette in prax. suæ lib. 4. cap. 3.* expressè allerit de incolis Hollandiæ & Germaniæ inferioris ita: *Hiscæ inquit regionibus adeò familiaris est scorbutus, ut nullus ferè reperiatur morbus, cui non aliquid scorbutici subsit.*

Eo res jam redit, ut nostræ etiam regiones vix tali titulo se possint subducere, cum plurimi de dictis affectibus scorbuticis conquærantur in hisce regionibus, ita ut illud malum indies longiùs serpere videatur, cum & Thuringia nostra, cœli aliàs clementiâ prædita, ab hoc non sit immunis, imprimis ubi ista undis acribus atque falsis perfunditur, seu ubi stagna & lacus vapores suos aëri communicant.

Aeri inter res Nonnaturales succedit *Cibus & Potus*, sicut hi multum boni in corpore humano possunt efficere; ita è contrario multorum malorum causæ sunt, cum videlicet cibi noxii potusque vitiosus ingeruntur. Sic in humoribus vitiosis scorbuticis excitandis cibus & potus magnæ sunt efficaciam, ut si adhibeatur cibus crudus, crassus, qui difficilis est coctionis, qualis caro bubula vel suilla fumo indurata, lardum, petasones, sarcimina fumo itidem macerata, pisces marini saliti, ut haleces, asellus aliique his similes, ut & reliqua salsa omnia, quippe quæ falsis & acribus his humoribus falsam suam vim communicant, oleumque, ut dicitur, camino addunt.

dunt. Panis etiam crassus, biscocus, à furfuribus non benè repurgatus, item legumina coctioni resistentia, ut fabæ, pisa, lentes loco cibi adhibita facile vitiosis his humoribus pariunt aditum.

Hic probè notandum, quod facta ciborum in os ingestione, masticatione & deglutitione, diligenter cavendum sit, ne cibi particulæ quædam in ore remaneant, dentibus adhæreant aut in his excavatis retineantur; Ibi enim facile putredinem remanens res cibaria acquirit, quæ dentibus & gingivis communicatur, à quâ oris foetor excitatur, atque ita vitii robur armatur.

POTUM noxium quod concernit, ille est cerevisia crassa, ex undis squalidis cocta, minus rectè defæcata & cui parum lupuli adjecta, item aqua turbida, salsa & palustris, quæ omnia rem deteriore reddere sunt aptissima, ideoque cibus eligendus & potus utilis, de quibus autem in diætæ recensione fusiùs erit agendi occasio.

Quies & motus in rerum nonnaturalium numero considerata merito sunt: medium hic tenere videtur optimum, nam non nimius solum motus, verum etiam nimia quies corpus ejusque facultates reddunt languidas, quibus ita constitutis humores indies depravantur, & sic alterna quod caret requie non est durabile. Propterea & nimius motus & nimia quies fugienda, mediocritas sanitatis asylum expetenda.

Somni & vigiliarum eadem est ratio: Sicut enim moderati somni beneficia admiranda, ita incommoda ab excessu orta aut defectu detestanda. In primis somnus meridianus post prandium non admittendus, *ἀγρυπνία* etiam corrigenda, cum ista humores cumulare soleat.

Nunc attendenda veniunt *Excreta & Reten-*
ta, quæ si minus rectè se habeant, fenestram ma-
lis his humoribus aperiunt, corrupta enim toti cor-
pori humano maculam & labem aspergunt. Præcipuè
sanguis menstruus lunari debito si non respondeat, quod
plerumque & hoc malo affectis evenire solet, libe-
rale his humoribus conferunt symbolum. Defe-
ctus sudoris justo tempore, non immeritò accusatur à
multis.

Agmen claudunt *Animi Pathemata*: Ira & tristi-
tia humores vitiosos accūmant & his procreandis
strenuè inserviunt, ideoque qvi sapit, aut cui salus sua
cura cordiqve est, fugiat, nam latet angvis in herba.

R E S P R A E T E R N A T U R A L E S nunc etiam
attingendæ. Sed qvis quæso has omnes brevitati si velit
studere recensabit, qvis tam varios affectus, tam varia
symptomata quæ in generandis vitiosis humoribus con-
veniunt, ordine enumerabit? Propterea desiderium no-
strum expleat *Magnif. Dn. D. ROLFINCIVS*, quando
in *ord. & meth. med. spec. consult. libr. 8. consult. 6.* ita dicit:
Præternaturalis causa est intemperies ventriculi & intestino-
rum. Hoc non solum in loco jam citato satis explicat,
verum etiam sequenti consultatione septima evidentissi-
mè illustrat, inqviens: *Imprimis in culpa est ἀντιπερσία*
jecoris in calidum, ventriculi in frigidum succum alimenta mutans,
unde plurimi heterogenei humores colliguntur, lienis sangvificatio
vitiatur & non levis oritur ventriculi infirmitas, ob quam prima
coctio non ritè peragitur, sed ejus loco fit μείλυνσις. In liene de-
ficit πνευματώσις, colligitur sal fixum & ☿ coagulatus, qvi non-
nunquam resolutus liquecit & aliis serosis humoribus dilutus to-
tum corpus pervagatur. In aliis causis p. n. nolumus pro-
lixio-

lixiores esse in recensendo, cum ex scorbuti ipsius historia abundantissimè innotescant.

CAPUT IV

differentias aggreditur.

DIFFERENTIAS læsionis oris scorbuticæ si quis considerare velit, numerum earum innumerum prope modum esse reperiet, multa enim habet symptomata, quæ nonnunquam adsunt, ideoque genericè tantum loquamur, dicentes, quod læsio oris scorbutica sit respectu GENERIS considerata vel *sine symptomatibus vel cum symptomatibus* subsequenter.

SUBIECTUM quoque aliæ non dantur, quam hæ, quæ distinctas oris partes læsas ostendunt. Quæ ad CAUSAS spectant differentiæ desumi possunt à modo generationis, ita ut malum illud sit vel *hereditarium*, vel *communicatum* & *acquisitum*. *Hereditarium* dicitur, cum homo à parentibus semen mali accepit, quod ostendit & truncum & caules, ut cum Magnif. Dn. D. ROLFINCIO ex supra allegata consult. 6. libr. 7. loquar, formavit, cumque à mammis matris suæ pependit, lac multo $\frac{7}{10}$ conditum suxit. *Communicatum* appellatur, quando ab homine infecto per contagium illud accepit, id quod facile fieri potest, cum valde contagiosum sit, ita, ut si quis cum infecto eodem utatur poculo, illicò coinquinari possit. *Acquisitum* denique dicitur, si quis ex errore in diæta commissò illud sibi comparavit.

A tempore invasionis quoque petendæ sunt differentiæ, sicque læsio est vel recens, vel inveterata: Recens dicitur, quæ adhuc est in principio, & haud ita pridem corpori

pori humano bellum indixit clasticumque cecinit. *In-*
veterata est, quæ ex longo tempore altas jam egit radices
& jus possessionis sibi vindicavit.

Ab ipsa quoque gingivarum exulceratione non-
nulli accipiunt differentias, & distinguunt inter *exulcera-*
tionem corrosivam levem & *exulcerationem gangranosam*. *Cor-*
rosivam levem dicunt, quando ulcera gingivæ proveniunt
ab humoribus acribus, salsis & impuris, qui membranas
gingivarum erodunt & materiam ad exulcerationem
præbent, quæ si evacuetur, exulceratio desinit & gin-
giva consolidatur. *Gangranosam dicunt*, quando exul-
ceratio talis fit incurabilis, latius serpit & in cancrum
permutatur.

A dentium denique læsione desumunt nonnulli dif-
ferentias, ita ut dentes corrumpantur vel *nigredine*, vel
vacillatione, vel *excisione*, verum cum hæ magni non sint
momenti, longos sermones de his non faciamus sed ad
alia properemus.

CAPUT V

signa enucleat Diagnostica & Progno- *stica.*

SIGNA nunc læsionis oris scorbuticæ aggredi & ordo
postulat & necessitas, antequam curationem suscipia-
mus, *μόνος γάρ ὁ τῶν σημεῖων ἐμπειρὸς εἰκότως ἐπιχειρεῖ*
solus enim is qui signorum cognitionem habet curationem rite ag-
greditur, ut rectè dicit *Cous* in *Ι. περὶ ἰατρῆς* sub finem,

Distribuimus signa more conveto in **DIAGNO-**
STICA & PROGNOSTICA.

DIAGNOSTICA quod attinet, notamus, quod
scorbu-

scorbutus consideretur vel *genericè*, ita ut totum corpus occupet, vel *specificè*; quatenus una saltem ejus species manifestè se prodens & in hoc vel illo membro residens cernitur. *Priori modo* scorbutum consideratum cognoscere res est difficilis, cum tot habeat conjuncta symptomata; ut nihil certi, an sub hoc vel illo comprehendatur, asseri possit, & hæc vel nunquam, vel rariùs in omnibus subjectis concurrere soleant. *Severinus Eugalenus in tractatu suo de Scorbuto* quadraginta novem describit symptomata, & certè tanta est scorbuti simulatio totq; mentitur symptomata, ut multoties medicos decipiat, jam enim pleuritidem æmulatur, jam colicam biliosam, jam veram paralyfin, ita ut juratò hos affectus adesse affirmare aliquis posset. Præprimis arthritidem quæ vaga & scorbutica dicitur accuratè imitatur, quæ de nervosè scripsit *Excellent. Dn. D. Mollenbroc. in tractatu peculiari.*

Sed cum difficilia etiam investigare cordati sit medici, accedamus jam ad rivulos, quos emittit fons signorum diagnosticorum, signaque principaliora quæ partim læsioni nostræ sunt specialia, partim generalia, cum scorbuto ipso communia considerabimus.

GENERIS itaque ratione, præter autopsiam, vitia oris demonstrant: Ipsa dispositio ægrotantis, hunc enim si quoad alias partes scorbuticum esse observat Medicus, certior esse potest, læsiones oris scorbuticæ materiæ adscribendas esse, uti benè notat *Heurn. in praxi.*

Respectu Generis quoque ægroti os intuenti facile apparebit, præsertim si relatio propria accedat, an longa & inveterata, an recens genita, incipientia & in fieri adhuc constituta sint symptomata.

SUBJECTI signa in autopsia plurima ex parte
C con.

consistunt, ubi enim affluxus materiæ, ibi tubercula, ibi erosio cutis, ibi putredo carnis, ibi corruptio ossis, vacillatio dentium & similia contingunt, quod nunc fit solum in unâ vel alterâ parte, sæpius in pluribus simul.

CAUSARUM examen copiosam signorum afferre potest congeriem; Prout enim temperamentum, dispositio hæreditaria, modus utendi res sex non naturales, contagium, morbosæ dispositiones, aut prægræssæ, aut adhuc præsentēs, se habent; Eatenus, si legitimum examen instituatur facile apparebit, quæ causæ in nostro affectu accusari queant. Symptomata etiam de quibus ægroti conquærantur, certiores facere possunt medicum inquirentem.

Sunt etiam in singulari consideratione, signa ex urina defumta quibus quidam ea adjungunt, quæ ab investigato pulsu proveniunt. Quæ tamen potius valent in tantum, non in totum sæpè, præcipuè quæ ab urina sunt, tam ipsum scorbutum, quàm à nobis descriptas oris læsiones scorbuticas manifestantia, fallunt sæpè. Dicendum tamen de hisce.

Pulsus varietatem talem amat, ita ut nonnunquam sit magnus & robustus, interdum etiam debilis, prout humores sunt dispositi, plerumque tamen sit inæqualis.

Urina sicuti in ipsis scorbuticis, & hic etiam variat, variantibus accidentibus & humorum dispositione, jam enim tenuis est, jam crassa, jam clara, jam turbida cernitur, nonnunquam rubrum, nonnunquam alium inducit colorem, sicut nigrum habuisse nonnullorum scorbuticorum urinam, testatur *Deckerus in notis ad prax. Barbett. pag. 142.*

Interdum arenulæ in □ apparent rubræ, nonnunquam aureo colore imbutæ medicos decipere solitæ, dum visis his arenulis de calculo renum aut vesicæ suspicantur. Verùm rectè monet ultra laudes positus Athenæi Salani S E N I O R *in loco supra citato*, quod sanguis scorbuticorum fertilis sit arenis copiosis, ut Euphratis aqua, nec putandum esse illicò calculum adesse. Sicut enim non omnis pinguedo indicat colliqvationem partium, ita nec arenulæ calculum, præsertim si absque dolore excernantur.

Tales arenulæ quandoque etiam in cute apparent scorbuticorum, de quibus accuratissimè & elegantissimè sæpè citatum *Magnif. Dn. D. ROLFINCII* differenter audiamus *in ord. & meth. med. spec. consult. libr. 8. consultat. 6.* Scorbuticorum, *inquit*, sanguis plenus est arenulis, egrediuntur verò ex peripheriâ, quia facultates naturales irritatæ ad propinquiora detrudunt: ex poris procedunt, quod facultates non rectè fungantur suò officio, cum excrementa hæc vel ad alvum vel ad renes pertineant. Hæc per cutim evacuatio non adeò difficilis est: ambitus quippe superficialis à calore dum aperitur, tumultuantibus humoribus, colliguntur lapilli, donec cuticulam ejusq; foveas obsideant liberius.

In specie autem si scorbutus sit cognoscendus, res videtur facilior, sicut in nostra læsione, ubi signa depravationem scorbuticam indicantia satis manifestè apparent. Nam si gingivarum cruentatio aut exulceratio, dentium nigredo, vacillatio & excisio, aut oris foetor in homine appareant, intrepidè depravationem scorbuticam, observatis aliis supra allegatis accidentibus, adesse, quis non asseverabit: sed de his prolixiores esse nolumus & accedimus ad

PROGNOSIN. Hanc quod concernit, more consuetô triplici modô illam instituiamus & consideramus 1. ratione salutis & mortis. 2. ratione longitudinis & brevitatis. 3. ratione modi eventus.

Nolumus hic repetere considerationem genericam ac specificam, sed quæ ad nostras adductas oris læsiones præcipuè spectant, potius adducemus.

SALUTEM itaque & MORTEM quod concernit: Sicuti scorbutus est satis periculosus, imò inveteratus incurabilis. Ita à nobis allegata symptomata scorbutica singulari periculô non carent, & si inveterata sint, curam plenariam rarò admittunt; Præcipuè si causæ sint vel hæreditariæ vel inveteratæ aliàs, & si nova semper materia peccans pabuli adinstar ad partes læsas affluat. Si autem recentia mala, tale periculum non metuendum. Ætas florens, virium robur, alteratio post assumpta medicamenta ad melius, spem pollicentur bonam, notantibus *Heiurn. Hoesero, Sylvatico, Horstio*, ac aliis. Malum omen est si maculæ tam in toto corpore quàm etiam præcipuè in ore ac faucibus reperiantur ex puniceo livescentes, observantibus *Foresto, Schenckio, Riverio, Borello, Rhodio* ac permultis aliis. Livorem faucium rectè pro periculoso signo habent *Brunner. in cons. & Ballon. in observ.*

LONGITUDINIS & BREVITATIS ratione, eodem ut supra diximus modô consideramus nostros affectus. Malum scorbuticum totum corpus si occupet & inveteratum aut hæreditarium sit, longis ac chronicis affectibus meritò adnumerantur recensita scorbutica symptomata. Brevior tamen curatio promitti potest, si læsiones dictæ adsint, nec multum inveteratæ, præcipuè si sedulò adjungantur, quæ ipsum malum scorbuticum respiciunt remedia.

MODUM

MODUM EVENTUS si aspicimus, & quomodo ad salutem vel mortem tendere queat, consideramus, fateri cogimur, quod scorbutus in se consideratus, haud raro lethalem exhibeat interitum, præcipuè si in hydropem, atrophiam, cachexiam aliave degeneret mala, & materia peccans, nec per motum naturæ quasi criticum, nec per vomitum, alvum, hæmorrhoides, menstrua evacuetur justò tempore. Quæ verò de scorbutico malo hic diximus, eâ læsionibus oris scorbuticis, à nobis allegatis æquò jure accommodari poterunt. Hoc tamen observato, quod de harum constitutione ac accidentibus, respectû scorbuti in essentia considerati, mitius judicium prognosticum sit ferendum.

CAPUT VI

*curationem complectitur & fontem aperit
Chirurgicum.*

QVemadmodum Viator viæ ignarus metam sibi propositam haud feliciter attinget, nisi viæ præmonstratorem sibi conciliet & hujus ductum sequatur, ita altiora medicinæ sacra perlustrare, adque praxin medicam pervenire si velimus, rebus nostris melius non consulemus, quàm si ductores nobis eligamus, qui ad arcana curatoria viam ostendunt. Tales sunt tres illæ notæ INDICATIONES, ut CURATORIA, PRAESERVATORIA & VITALIS.

CURATORIA ex his ad præternaturalia corrigenda, pravas dispositiones emendandas & sanitatem adjuvandam nos perducet. PRAESERVATORIA causas extirpare jubebit, humores peccantes imminuet, totisque

viribus ut hostis profligatur, incumbet. **VITALIS** denique in hoc suum observabit officium, ut omnia quantum possibile ad statum naturalem reducat roburque partibus addat.

Materiae praesidiorum desumendae ex tribus consuetis fontibus, ut **CHIRURGICO, PHARMACEUTICO & DIAETETICO.**

CHIRURGICUM FONTEM si adeamus, illico occurrit nobis **V. S.** quænum licita sit, in dubium vocat *Barbette in praxi sua lib. 4. cap. 3.* inquit: *Venæ sectio non prodest*: Verum cum aliorum magnorum etiam Virorum iudicio **V. S.** firmo stare possit fundamentò, merito iisdem calculum adjicimus niveum, & dicimus, quod **V. S.** non solum adhiberi omnino debeat in eo scorbuto, qui totum corpus occupat, verum etiam in ea læsione scorbutica, quæ os cum partibus suis affligit, de qua nunc nobis sermo est. Ideoque tempore commodo modica sanguinis quantitas educi potest, & quidem in scorbuto toti corpori inhaerente ex mediana vel salvatella manus sinistræ, & si scæmina hoc corripitur malò cui menses subsistunt, ex saphenis pedum potest fieri evacuatio. Si autem oris læsionem scorbuticam solam consideremus, possunt quidem pro temperatione humorum venæ prædictæ etiam aperiri, vel possunt tantum venæ sublinguales aut saphena malleolaris secari, ex quibus sanguis ad $\frac{3}{4}$ III. vel IV. potest emitti, habitâ ratione aliarum circumstantiarum.

Generosiora remedia præcipuè in ulceribus oris scoburticis exhibet *Severin. in Chirurg. efficaci.* Recenset quoque quædam *Ferrius tr. de arthrit.*

Autores aliàs in scorbuto commendant cucurbitulas variis in locis applicandas, hæmorrhoidum apertionem, scarificationes & frictiones, imò non disvadent fontanellas, præsertim

sertim in principio morbi, esse excitandas. In læsione oris scorbutica hæc recensita eatenus possunt adhiberi, quatenus humores melancholici, serosi & acres temperandi, vel è corpore educendi, ne ad partes alias vagabundi pro more transeant, iisque molestiam creent. Præ aliis verò *sacrificationes* in scapulis locum habere queunt, siquidem constat, quod adhibitis his gingivæ eò citius à malo suo sint liberatæ. Coincidunt hîc *Hoefer, in Herc. med. Blasius, Beckerus* aliique veteres æquè ac recentiores. *Vesicatoria* in nuchâ & brachiis applicata revellendo ac derivando plurimum valere in talismodi exulceratione scorbuticâ, aliquoties observavit *Nobiliss. Dn. PRAESES.*

CAPUT VII

ex fonte Pharmaceutico depromit medicamenta generaliora.

CONVERTIMUS nos nunc ad FONTEM PHARMACEUTICUM, ex quo generosissima haurire licet remedia. Antèquam autem rem rectè aggrediamur, præmittimus, quod dupliciter curationem instituere velimus, *generaliter & specialiter*, & sic in hoc capite considerabimus medicamenta generaliora, quæ humorum præparationem, evacuationem & correctionem respiciunt, in sequenti autem capite remedia, quæ specialiter ad oris læsionem spectant subjungemus. Quorum omnium symptomatum curationem accuratè explicatam reliquit *Heurn. tom. I. oper. lib. de morb. ocul. aur. & oris c. 11.*

Cum autem res ante in pristinum statum locari non possit, quam noxia & naturæ inimica è medio sint sublata, & effectus non tollatur, nisi causa removeatur, *Era-*

cu an-

lenientia optimè nobis inservient. *Lenientia* autem in principio utiliora putamus, quàm illicò adhibita purgantia fortiora, cum ista interdum plus detrimenti quam adju-
menti aëgris intulisse, notum sit ex observationibus Pra-
cticorum. Talia lenientia possunt esse sequentia.

✱. *diagryd.* ꝯat. ḡr. VI.
magist. gialapp. ḡr. V.
eleosach. cochl.

nasturt. an. ḡr. III

M. F. Pulvis D. in charta. S. Eind Pulver auff einmahl.

Pilulæ si placeant tales possunt concinnari.

✱. MP. ꝯar. *Qvercet. cochicar. a.* gr. vj.
extr. Panchymag. Croll. gr. iv.

Misc. F. cum s. q. syr. cochl. *Pilulæ mediocres* D. in pyxide
Sign. S. Laxier = Pillen.

Cum nonnullorum ægrorum os planè à pulveribus
& pilulis abhorreat, potio sequens substitui potest.

℞. rad. v. *aperient. an.* ʒß.
herb. nasturt.

becabung. an. p. iij.

chelidon. p. ij.

fl. *cichor.*

bugloss. an. p. iijß.

summ. cent. min. p. i.

fol. sens. s. s. ʒß.

Coqv. in suffic. qvant. Δe cochl. Colatur. ʒjv. add.

extr. Rhabarb. ḡr. vij.

Jalap. ḡr. iv.

Edulc. paràm.

D. in fictili S. Laxier = Träncklein auff 2. mahl.

Si

Si Bolus placeat, adest sequens.

℞. conserv. cochlear.

rosar. an. ʒʒ.

pulv. laxat. vegetab. Magnif. Dn. D.

Rolfinc. g. xv.

Misc. F. Bolus D. S. Laxierbissen auff i. mahl.

Quod in singulis antiscorbutica admisceam, nemini mirum sit, siquidem hoc admonitione clarissimorum Virorum permotus facio, qui facilius malum extirpandum dicunt, si singulis medicamentis antiscorbutica addantur, quæ simul bellum vitiosis humoribus indicunt. Hæc medicamenta quomodo operentur, & quæ specifica sint, nervosè explicavit *Frid. Hofmann. Archiater Hallens. meth. med. l. 1. c. 19.* Lapidem bezoar singulare hic esse remedium recenset *Hoeferus in Herc. l. 3. c. 4.*

Post lenientia succedunt preparantia, quæ singulari vi & qualitate scorbuticis malis inimicâ pollent; variè possunt parari pro lubitu, sequens itaque Spiritus posset inservire, cum multum facere ad scorbuticos humores præparandos videatur.

℞. cort. fraxin.

tamarisc.

citr.

rad. fraxinel.

capp. an. ʒiʒ.

polypod. qvern. ʒij.

raph. sylvestr. ʒiij.

herb. cochlear. m. iijʒ.

sceletyrb.

nasturt.

beccabung.

acetos.

D

scolo-

scolopendr. a. m. jß.

summ. cent. min. p. iij.

bacc. laur.

junip. an. 3vj.

sem citr.

sinap.

card. bened. an. 3ß.

caryophyll. 3jß.

cinamom.

nuc. Moschat. an. 3ij.

laccæ granulat. 3j

Concis. & contus. digerantur in arenâ cum vini generos. lib. viii. & vulg. lib. iiii. per triduum, deinde destillentur ex arena per alembicum, & servetur liquor ad usum. Dos. g. 20. ad 30. in vehiculo conuenienti.

Plura qui desiderat, adeat *Chimiam in artis formam redactam* Magnif. Dn. D. ROLFINCII, ubi multa præclara antiscorbutica specifica reperiet, ut mistur. antiscorbut. in lib. 4. sect. 4. cap. 9. Elixir. antiscorbut. in lib. 4. sect. 2. cap. 13. & Spirit. scorbut. in lib. 3. sect. 1. artic. 2. cap. 20. Quibus recte adhibitis malum dare victas cogetur palmas. Coronidis loco addeamus vinum aliquot medicatum & pilulas antiscorbuticas D. Timæi alias celebres. Vini medicati descriptio est talis.

herb. cochlear.

nasturt.

fumar an. p. iij.

rad. cichor.

polypod.

scorzoner an. 3ij.

raph. rustic. n. 1.

flor. genist.

cont.

cent. min.

cichor. an. m. ℥.

cort. aurant. ʒ j.

cinamom. elect. ʒ i℥.

Concis. contus. D. in charta S.

Species zu vier Rannen Wein.

Pilulæ antiscorbut. Timæi sunt tales

℞ M^P. melanog. Querc. ʒ i℥.

extr. fol. Senn. ʒ ℥.

resin. Jalap. gr. vj.

☐ Olat. gr. xiiij.

☉ succin volat. ʒ j.

sem. nasturt.

cochlear.

sinap. an. ʒ ℥.

Misc. F. cum aliqua aqua antiscobutica vel elix. propriæ
Paracelsi. Massa. Dosis ad ʒ j. Similia purgantia describit
Franc. Rachin. tr. de cur. morb. qui purg. comit.

Præparatis nunc humoribus, de iisdem educendis eri-
mus solliciti, id quod fieri poterit per purgantia, quorum
quasdam damus formulas.

In forma pilularum si desideretur medicamentum
purgans, valdè erit proficuum, quod habet Magnif. D.
D. ROLFINCIUS in ord. & meth. med. spec. consult. lib. 8. c
sult. 7.

℞. pil. tartar. Quercet.

extr. panchymag. Croll. an. ʒ

resin. gialap. gr. iiij.

☐ Olat. ʒ ℥.

spir. cochlear. gt. iiij.

sir. viol. solut. q. s.

F. Pilul. num. XXI.

Potione qui delectatur, sequenti uti poterit.

℞. fol. Senn. s. s. ʒiij.

rad. V. aperient. an. ʒj.

rhabarb. Alex. ʒj.

Coqv. in ▽. fumar. q. s. colatur. ʒiijʒ. add.

sir. cichor. c. rhabarb. ʒj.

essent. gialap. ʒj.

elaeosach. cochlear. gr. iv.

F. Potio. D. in vitro S. Purgier. Träncklein.

Per os sumenda æger si recusaverit, sequens clyster
applicari poterit.

℞. herb. malv.

alth.

chamædr. an. mʒ.

fumar.

melilot. an. p. iij.

flor. rosar.

chamæm. an. p. ij.

summ. cent. min. m. j.

rad. polypod.

asparag.

bugloss. an. ʒj.

fibr. hellebor. nigr. præp. ʒiij.

prunor. damasc.

fic. pingv. an. n. x.

Coqv. in suffic. qv antit. aquæ fontan.

colatur. lb. j. add.

elect. diaphanic.

bened. laxat. an. ʒj.

℞. aneth.

viol. an. ʒʒ.

⊖ ♀i 3j.

F. Clyster, tepide applicetur.

Cum etiam per superiora, ut per vomitum egregie possit fieri evacuatio, sequens pulvis non absque operatione erit.

℞. ꝑ. vit. rit. præp. gr. jv.

elæosach. fenic. gr. iij.

Misc. F. Pulv. D. S. Brechpulver.

Bolus cui arridet, sequenti utatur.

℞. croc. metall. absinth. g. iij. cons. ros. Olat. 3j.

Misc. F. Bolus D. in fictili lati orificii S. Brechbissen.

Ut etiam in forma liquida medicamentum sit in promptu, potio sequens adhiberi potest.

℞. ▽. bened. Ruland. 3ij.

sir. de fumar.

oxymel. squillit. an. 3ß.

M. F. Potio D. S. Brech-Träncklein auf einmahl.

Per sudorem & urinam cum multi humores vitiosi & noxii evacuentur, & de his quædam addere libuit.

℞. spir. cochlear. nasturt. an. gt. xv. chelidon. min. 3ß. tinct.

℥ii. correct. g. viij. m. d. in fictili. S. vermischter

Schwig-Spiritus.

℞. 3is cochlear. volat. C. C. volat. a. g. jv. pulv. bez. Senn.

g. vj. M. D. S. Schwigpulver auff 1. mahl.

Potionem si quis desideret, talis sit.

℞. ▽. card. bened.

scorzoner

flor. sambuc. an. 3ß.

theriac. recent. 3j.

Misc. F. Haustus D. in fictili. S. Schwig Mixtur.

Sequuntur nunc Diuretica.

℞. ▽. petroselin.

apⁿ
asparag. an. ʒ iß.
spir. alkekeng. ʒv.

ʒis ʒj.
essent. oc. 69. ʒß.

Misc. D. in fictili S. Wurtur zum Wasser treiben auff 3. mahl
allzeit des Morgens.

Pulvis Diureticus talis esto.

℞. ʒis ononid.

saxifrag. an. ʒß.

lithosperm. gr. vj.

magist. oc. 69. gr. xv.

Misc. F. l. a. Pulvis D. S. Sonderlich Treibpulver auff vier
mahl.

Huic etiam succedere aut substitui potest sequens.

℞. ʒis succin. ʒß.

▽. petroselin. ʒß.

M. D. in vitro S. Harntreibend Wasser.

Evacuatis sic humoribus ad alterantia esset acceden-
dum, verum prolixitate in præscribendo hic non opus, cum
his repletos inveniamus practicorum libros. Unicum exhi-
bem⁹, quod ut singulare quoddā & medicamentum magna-
rum viriū commendat sæpè citatus Magn. Dn. D. ROLFING
in ord. & meth. med. spec. consult. lib. 8. cons. vi. & plura cupientes
lectorem eò remittimus, ubi desiderium satis explebitur.

℞. rad. v. aperient. an. ʒij.

raph. rustic.

chelidon. maj.

cichor. an. ʒiij.

fol. cochlear.

nasturt.

chelid mai.

sem. bon. ʒij.

fragor. abiet. m. v.

formicar. canth. i.

Infund. in s. q. ▽. cochl. dest. & usui reserva.

CAPUT VIII

*ex fonte pharmaceutico promit medicamenta
læsionem oris scorbuticam spectantia,*

Supra diximus, quod sub læsione oris scorbuticâ comprehensuri simus cruentationem & exulcerationem gingivarum, nigredinem, vacillationem & excisionem dentium oris, denique fœtorem, & exulcerationem in cavitate palati. Ideoque de singulis breviter dicendum.

In cruentatione & exulceratione gingivarum, faucium quoque varia præscribi solent, cum & simplicia & composita dentur quamplurima, quæ huic malo apta sunt resistere. In simplicium recensione prolixi esse nolumus, cum omnium Practicorum & Botanicorum libri his referri sint, ideoque ad composita statim accessum facimus, quæ variè possunt fieri. Sicuti singularia collecta videri possunt apud Hæser. loc. cit.

In cruentatione gingivarum.

℞. ▽. plantag.

prunell.

scel. q. v. an. ʒv.

spec. chalcant. vitriol. an. ʒj.

mell rosat. ʒj.

alum. ust. ʒss.

Misc. F. Gargarisma, quo colluatur os.

Cum autem exulceratio plerumque comes esse soleat

leat cruentationis gingivarum, ambas connectemus, ne
brevitatis lineas transeamus, unicum hoc addentes, quod
facta puris evacuatione gingivæ probè sint mundandæ,
quæ mundificatio cruentationem simul prohibebit. Se-
quens itaque ex usu esse potest.

℞. tinct. granul. lacc. ʒʒ.

flor. aquil.

rosar. rubr. an. ʒʒ.

spir. cochlear. ʒij.

Misc. D. S. Mund-Wässerlein.

Vel

℞ herb. plantag.

prunell.

sangvisorb. an. mʒ.

rad. pyrethr.

tormentill an. ʒʒ.

flor. papav. rhæad.

rosar. rubr. an. p. iij.

alum. ust. ʒj.

Stent in digestionem lenis caloris, donec liquor rubeum
acquirat colorem, transmittatur per linteum subtile, &
cum refrixerit, indatur vasi vitreo, servetur ad usum S. ut
supra.

Uberiora qui desiderat, adeat præter alios Riv. l. 6.
prax. c. 4. & s.

Dentes si vacillatione & subsequente excisione cor-
ripiantur firmari possunt sequentibus, ut

℞. rad. ir. florent. ʒj.

lign. aloes ʒʒ.

rhur

mastich an. ʒiij.

cinamom ʒʒ.

Pul-

pulveris. pulveriscentur M. F. Pulvis D. S. Son-
derlich Pulver die wackelnde Zähne damit zu-
reiben auff etgliche mahl.

Singulare experimentum *Fuchsi* est ad labiles den-
tes confirmandos, si folia bistortae in pulverem trita den-
tibus affricentur.

Decoctum sequens etiam ex usu erit.

R. fol. myr

salv.

bistort.

herb. burs. past. an. p. iij.

rad. pentaphyll.

lapath.

torment. an. ʒj.

Cogv. in vino rubro styptico. Colatura servetur ad usum S.

Wässerlein die Zähne zu befestigen.

Nigredo dentium cum corpus aliàs elegantissimum
possit foedare, & sexus sequior elegantiae inprimis studio-
sus & deditus quodvis propemodum aliud malum tolera-
ret quam hoc, de eâ etiam auferendâ cogitabimus. Ex
variis eligimus sequentia

ʒ. rad. jr. flor.

cyper. an. ʒiʒ.

C. C. usti,

mandib. luc.

mastich. an. ʒj.

cremor. ʒi. ʒiv.

M. F. Pulvis D. S. Pulver wieder die schwarzen
Zähne.

Secreti loco nonnulli habent cineres stipitum rosmarin,
nicotianæ, origani, hyssopi, menthæ ac salviæ. item succum
E raphani

raphani in quo sal solutum est, ex quibus quilibet eligere potest quædam pro lubitu.

Commendatur etiam pulvis dentifricius Augustanorum, & ille quem habet Schröderus in pharmacopœa med. chymic. lib. 2. cap. 77. cujus descriptio est sequens.

℞. silic. fluvial. calcin. ℥iij.

lap. pumic. præp. ℥ss.

rad. jr. flor. ℥ij.

℞. stillat. ros. vel lign. rhod. ℥ss.

M. F. Pulvis subtilissimus S. ut supra.

Spir. Aris aut Elis in instanti dentes dealbare, ab omni sorditie liberare & à carie præservare, testatur River. l. 6. prax. med. c. 2. Singulare quoque dentifricium præscribit sect. 6. tyroc. pract. c. 9. Caspar Bravo de Sobremonte Ramirez, quod æquè nigredini dentium ac putredini gingivæ & exulcerationi partium oris resistit.

Tandem devenimus ad oris foetorem, qui ut mortali generi summe molestus è medio tollendus.

Perfici hoc potest pulvere sequenti

℞. rad. Ir. flor. ℥ij.

cīnamom. ℥iij.

nuc. mosch. ℥j.

caryophyll. ℥j.

cort. Aurant. ℥ss.

lap. prunell. ℥ss.

sacch. rosat. ℥ss.

℞. still. menth.

caryophyll. an. gtt. vi.

M. F. Pulvis D. S. Pulver wieder den stinckenden Odem.

ambra & moschus pro lautioribus addantur.

cum diata concludit.

DIÆTA cum nonnunquam medicamentis præstet, ejus habenda est ratio: Consistit ea in *sex rerum nonnaturalium* consideratione.

Aer sit temperatus, purus, qui si non detur naturalis, arte hic contemperandus, & vel herbis dispersis vel accensis odoris comparandus.

Cibus sit facilis coctionis & bonæ nutritionis, qualis caro bubula non fumo indurata, sed elixa aut assa, vitulina, gallinaria &c. Panis sit siligineus, clarus & optimus, è leguminibus eligenda quæ in generosum apta sunt converti sanguinem. In usum trahi possunt ova forbilia, embammata ex nasturtio, raphano rusticano, sinapi confecto, & id genus alia salutaria.

Potus comparari potest utilis, qualis vina mediocria, parcè adhibita, medicata etiam cum convenientibus ingredientibus, item cerevisia benè cocta, defœcata & cui multum lupuli adjecta, potest etiam plantis antiscorbuticis melior reddi, si hæ illi addantur.

Motus & quies alternis se suscipiant vicibus, ut & *somnus & vigilia*. *Alvus* servetur libera & lunare tributum ordinariè fluat, si secus eveniat, commodis medicamentis partes in quibus vitium hæret, admonendæ. *Veneris* quoque gaudia mediocritatem non excedant, *Animi pathemata* temperentur justò rationis frenò, & in primis iræ, mœstitiæ, terrori & his similibus affectibus nocivis dicatur VALE.

Cum aurem brevitatis promissum vellicet & calammum manû quasi extorqueat, finem hîc dissertationi nostræ imponimus, & DEO T.O.M. gratias agimus maximas pro auxilio præstito, summoperè rogantes, ut & imposterum labori benedicere & omnibus nostris inceptis divinum favorem addere non dedignetur.

F I N I S.

Qui fons Scorbuti , quei
possint ora peresa
Scorbutô refici , differis ore
TUO.

Acclamans coeptis Phoebi TI-
BI spondet honores;
Hinc, Patriæ ut reddas com-
moda mille, precor.

ita Nobil. Dn. Doctorando ani-
mitus exoptat

PRÆSES.

Pri-

Primam aciem Pallas struxit.
Mediam armat Hygea.

Ultima signat tibi Cypris a-
mica regit.

Qvis ferat oppositis sese bella-
tor in armis,

Susticaty tuas numina tan-
ta duces?

Non ego. Sed triplici e certami-
ne porrigo palmas

Victori, & fati stamina cer-
ta precor.

proper. ad deb.

PHILIP. MULLERUS, P.P.

Qvas

Quas Tibi non debent lau-
des, Clarissime SCHARFFI,
Pierides? Phœbus quâ Te non
laude coronet?

Et queis non cingant gratis Tua
Tempora fertis

Eurynomæ Gnata? non nunc
mihi, Prime Meorum,

In laudes libet ire Tuas, gratan-
tia poscunt

Carmina Pæoniæ chartæ ,
quæ mentis acumen

Monstrant infigne, & superans
feliciter annos ,

Te quæ novis Titulis Galeno In-
terprete donant : Et

Et modò si liceat Musæ quoq;
paupertinæ
Votorum tenui versu subjun-
gere summam:
Regnator Superum non ære sed
arte redemptos
Ex omni, voveo, voto fortunet
honores
Et tua successu porrò conata
coronet,
Ne cadat hæc laudum boreæ
vel fulminis ictu
Pyramis, aut livor ponat suf-
flamina famæ.

Clarissimo Dn. Doctorando, Fautori certissimo Amico suo
atqve sympatriotæ summo opere honorando

ἡνυχῆδιασα

M. JOH. CHRISTOPH. Zellmann/ S.S. Th. Cult.

Q Visquis apes, undasque timet, spinasque
roseti,
Non mel, non pisces, non feret ille ro-
sas :

SCHARFFI ADE S animovolvens hæc, *acrius*
usque

Exacuat mentem Pœonio studio;
Nec patitur torpere gravi sua dona veterno
Ingenii, genius corda animat melior.
Hinc ipsum labor & studium, decus, ardor hone-
sti,

Ingenii vivax ala levabit humo.
Gratulor has animi dotes, flos nobilis almi
Phœbi, tuque animæ portio cara meæ.
Gratulor hoc specimen, mentis quod monstrat
acumen,

Ac Tibi quod spondet summa brabea brevi.
Gratulor hosce novos titulos, gratatur Apollo,
Accinit & lætum turba novena melos,

*l. m. q.
scrib.*

MATTH. Weber/Bilâ-Schwarz b. Phil. St.